



Soraarnerussutisiassat aaqqissuunneqarnerat qanoq imaqarpa

Soraarnerussutisiassannut aaqqissuussiffiqeqarninnut sillimmaserneqartut:

- Napparsimalernermi
- Toqukkut qimagunnermi
- Soraarninngornermi



Napparsimalernermi

Pisortanit siusinaartumik annertunerpaamik sulisinnaajunnaarnerisuteqartitaaguit pisinnaatitaavutit napparsimalerlutit sulisinnaajunnaarnerit sioqqullugu qaammatini kingullerni 24-ini agguaqatigiisillugu akiliutigisarsimasappit annertoqqataanik sulisinnaajunnaarnermik annaasaqarnerisuteqartitaanissannik. Sillimmasernerli taanna unissaaq soraarnerussutisiassannut aaqqissuussinnermut akiliissaarsimaguit.

Aamma saniatigut - Nappaammik perulunnartulimmik nappaateqalersimasutut nalilerneqarsimaguit periarfissaqartitaavutit sillimmaserneqarninnit 100.000 kr.-inik tunineqarnissamut. Una sillimmasiissut 1. oktobari 2018-imiik atuutilerpoq taamaattumillu napparsimalernerit ullup taassuma kingorna eqquisut kisimik sillimmaserneqarmata. Nappaatit perulunnartut ilaannut sillimmat ataannassaaq katersappit annertussusaa 5.000,- kr. sinneruniuk.



Toqukkut qimagunnermi

Soraarninngornissaq sioqqullugu toqukkut qimagunnermi

Soraarninngornissat sioqqullugu toqukkut qimagutissagaluaruit katersatit tamarmiusut kingornussassanngortitaasunut tunniunneqassapput. Qaniginerpaasatit nammineersumik kingornussisussatut inissinneqarnikuupput. Aalajangersakkat tunngavigalugit illit nammineq kikkut kingornussisussanngortinneqassanersut aalajangersinnaavat taakkulu aningaasat tigussavaat.

Soraarninngornissat sioqqullugu toqukkut qimagukkuut taamaalillutillu meeqqat 24-it ataallugit ukiullit qimataralugit meeqqat 24-inik ukioqalernissaat tikillugu ukiumut 5.000 kr.-inik pisartagaqartinneqassapput.

Soraarninngoreerluni toqukkut qimagunnermi

Soraarninngoreerlutit toqukkut qimagukkuut, soraarninngoreerninniillu sulii ukiut 10-it qaanngiutinngitsut, kingornussisussanngortinneqarsimasunut ukiut qulit qularnaarunneqarsimasut sinneruttut tunniunneqassapput.



Soraarningornermi

Soraarnerussutisiassanik aaqqissuussinerup siunertaraa qularnaassallugu ilaasortat inuuneq naallugu qaammammoortumik pisartagaqarnissaat.

Pisartagaqarnissaq siusinnerpaamik aallartissinnaavoq pisortat soraarningortarnissamut ukiorititassatut aalajangigaat angusimagaanni.

Pisortat soraarningornissamut ukioritaasussatut aalajangiussaat Utoqqalinersiutisarneq pillugu Inatsisartut inatsisaanni aalajangersakkat malinneqarput. Maannakkullu pisortat utoqqalinersiutisitsisarnermut ukioritarivaat 66-inik ukioqarsimaneq, taannali 2021-imi 67-inik ukioqalersimanissamut qaffanneqassaaq.

Katersat sillimmaserteri - Depotsikring

SISA-mi katersatit inuunerit tamaat naallugu naafferartumik pisartagarissavatit ukiumilu 10-ni qularnaarunneqarsimallutik.

Tamanna imatut isumaqarpoq,

- katersatit inuunerit naallugu qaammammoortumik pisartagarissavatit
- toqkkut qimaguteriasaassaguit sulilu pisortat soraarningornissamut ukiorititaat angusimanagu, katersatit tamaasa kingornussisussannut tunniunneqassapput
- pisartagaqarlutit toqkkut qimaguteriasaassagaluaruit, katersappit sinneri qularnaarunneqartut kingornussisussannut tunniunneqassapput

Tunniussinermi akileraarut

SISA-mi soraarnerussutisiassanik katersinermut atatillugu akiliuteqarnermi akileraarummut akiliisoqarneq ajormat, SISA-mit tunniussinermi imaluuniiit tunniussuilernermi akileraarummut tamatigut akiliisoqartartussaavoq.

SISA pisussaatitaavoq soraarnerussutisiassat tunniunneqarneranut atatillugu aamma sillimmasernermut atatillugu tunniussisoqartussaatilugu akileraarummut akiliutissanik naatsorsuillunilu ilanngaateqartitsissalluni, akileraarutitullu ilanngaatigineqartut Kalaallit akileraarnermut isumaginnittoqarfianut ilangerlateqqissallugit, tunniunneqartussat ilaasortamut tunniutassaappata imaluuniiit ilaasorta q toqkkut qimagussimappat kingornussisussannngortitaasunut tunniussassaappata apeqquatainnagu.

Pensionisiassakka / Katersakka

NemID isissutitut atorlugu periarfissaqarputit nammineerlutit soraarningornissannut katersappit ineriartornera malinnaavigissallugu uunga iserlutit "Pensionisiassakka" www.sisa.gl-mittumi.

Qanoq isumaqarpa

Depot

Ileqqaakkatit / Katersatit.

Katersatit sillimmaserineri - Depotsikring

Katersappit annertussusaasa nalingat, toqqukut qimagunnermi kingornussisussannut tunniinneqassapput.

Akiliinngikkaluarluni ilaasortaaneq - Hvilende medlem

Soraarnerussutisiassannut ikioraajunnaaruit soraarnerussutisiassappit aaqqissuusaanera nammineq akiliinngikkaluarluni ilaasortaanermut nuussaaq. Taamak pisoqassaaq soorlu assersuutigalugu nutaamik suliffittaarsimaguit, suliffittaallu SISA-mut isumaqatigiissuteqarsimangippat. Katersappit erniaqartinneqarnerat ingerlaannassaaq SISA-p aningaasaliiffigisaani sinneqartoorutisianiit tunngaveqartumik, taavalu katersatit tigooralersinnaavatit pisortat soraarninngornissamut ukioritaasussatut aalajangiussaat Utoqqalinersiutisisarneq pillugu Inatsisartut inatsisaanni aalajangersakkat angugukku.

Akiliinngikkaluarluni ilaasortaaguit sillimmatit assigiinngitsut annaassavatit - katersappilli sillimmaserineri ingerlaannassaaq. Nappaatit perulunnartut ilaannut sillimmat ataannassaaq katersappit annertussusaa 5.000,- kr. sinneruniuk.

Nammineq ingerlatitseqqinneq

Periarfissaqarputit nammineerlutit soraarnerussutisiassannut katersinissannut. Taamaasillutit sillimmatit annaassanngilatit, aammalu qularnaassallugu soraarninngornissannut katersappit alliaartornissaat.

Paasisaqarne-
rorusukkuit
sianerfigitigut



SISA

**Sulinermik Inuussutissarsiuqartut
Soraarnerussutisiaqalernissamut Aningaasaateqarfia**

Arbejdstagernes Pensionskasse

Cvr.nr. 36 52 22 32 • Issortarfimmut 11/102 • Box 9 • 3900 Nuuk
Qqarasuaat / Telefon: +299 32 40 22 (10:00-14:00) • Fax: +299 32 71 30
E-mail: sisa@sisa.gl • www.sisa.gl